



## **U G O V O R**

### **o javnoj nabavci usluga osiguranja imovine u 2018. godini**

Ugovorne strane:

KJKP "Sarajevogas" d.o.o. Sarajevo  
Ul. Trg Fadile Odžaković Žute br. 4, 71000 Sarajevo  
Koga zastupa: Direktor Preduzeća, Mr.sc. Nihada Glamoč, dipl.ing.maš  
(u daljem tekstu: Osiguranik)

I

SARAJEVO-OSIGURANJE d.d.  
Ul. Maršala Tita br. 29, 71000 Sarajevo  
Koga zastupa: Direktor, Arif Kulić, dipl. pravnik  
(u daljem tekstu: Osiguravatelj)

#### **Član 1.**

Predmet ovog ugovora je pružanje usluga osiguranja imovine Osiguranika, prema tenderu broj TD-05-01/18 - LOT 1, i uslovima iz ponude broj 01-44/18 od 05.01.2018. godine koja je u obliku ANEXA III - Obrasca za cijenu ponude sastavni dio ovoga ugovora.

#### **Član 2.**

Ugovorna vrijednost ugovora za osiguranje imovine Osiguranika iznosi 23.980,00 KM (slovima: *dvadesettrihiljedevetstotinaosamdeset KM*). Osiguravatelj će Osiguraniku dostaviti police za svaku vrstu osiguranja prema tarifnim grupama i iznosima iz ponude. Premije osiguranja su fiksne i važe 12 mjeseci.

#### **Član 3.**

Osiguravatelj će premije osiguranja fakturisati jednom fakturom mjesečno za sve tarifne grupe koje je Osiguranik dužan platiti u roku od 30 dana od dana ispostavljanja računa.

#### **Član 4.**

Nastankom štetnog događaja Osiguranik je dužan isti odmah prijaviti, a zatim će u roku 5 (pet) dana poslati Osiguravatelju pismeno obavještenje (prijavu) u kojem će navesti način i vrijeme nastanka štetnog događaja. Osiguranik je dužan odmah, ukoliko je u njegovoj moći, da štetni događaj zaustavi i smanji posljedice bez pomjeranja ili većih popravki sve dok se ne izvrši popis i pregled štete od strane Osiguravatelja ili dok ne dobije saglasnost Osiguravatelja za popravku.

#### **Član 5.**

Osiguravatelj je dužan nakon prijave štete odmah poslati svog predstavnika u cilju utvrđivanja uzroka, obima i visine štete, te prikupljanja svih relevantnih dokaza uz prisustvo i pomoć predstavnika Osiguranika. Ukoliko to ne učini roku od 3 (tri) dana Osiguranik može početi sa otklanjanjem štete bez saglasnosti Osiguravatelja uz uslov da je Komisija završila popis oštećene imovine i sačinila Zapisnik. Izuzetak predstavljaju štete učinjene na gasnim instalacijama, od strane trećih lica, koje se moraju otklanjati u najkraćem mogućem roku. Zapisnici i ostala dokumentacija će se dostavljati Osiguravatelju uz Izvještaj o saniranim štetama jednom mjesečno.



**Član 6.**

Osiguravatelj je dužan isplatiti naknadu najkasnije u roku koji ne može biti duži od 15 dana računajući od kada je nastala šteta kompletirana sa svom potrebnom dokumentacijom koja prati likvidaciju (obradu predmeta), a sve u skladu sa ponudom i uvjetima osiguranja.

U slučaju da se Osiguranik i Osiguravatelj ne slože pri utvrđivanju i procjeni štete, svaka od ugovornih strana može zatražiti da štetu utvrde stručnjaci (vještaci) u skladu sa važećim uslovima za osiguranje imovine. Iznos naknade ne može biti veći od štete koju je Osiguranik pretrpio nastupanjem osiguranog slučaja.

Ako iznos obaveze Osiguravatelja ne bude utvrđen u roku iz stava 1 ovog člana, Osiguravatelj je dužan na zahtjev Osiguranika isplatiti iznos nespornog dijela svoje obaveze kao predujam.

**Član 7.**

Osiguravatelj i Osiguranik se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom se podrazumijevaju slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprječavaju jednu ili obje ugovorne strane u ispunjavanju njihovih ugovornih obaveza.

**Član 8.**

Ugovorne strane su saglasne da Osiguravatelj neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

**Član 9.**

Ovaj ugovor se zaključuje na period od 1 (jedne) godine. Ukoliko Osiguranik ili Osiguravatelj ne budu izvršavali obaveze iz člana 3., 4., 5. i 6. svaka ugovorna strana ima pravo, uz prethodno pismeno upozorenje, raskinuti ugovor i zahtijevati naknadu štete koja je time prouzrokovana.

**Član 10.**

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih Osiguranik zadržava 3 (tri) primjerka, a Osiguravatelj zadržava 2 (dva) primjerka.

**Član 11.**

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavat će nadležni sud u Sarajevu.

Za SARAJEVO-OSIGURANJE dd

Direktor, Arif Kulić, dipl. Pravnik

Broj i datum ugovora, 01-1053/18

Za Kupca

Direktor Preduzeća

Mr. sc. Nihada Glamoč, dipl. ing. maš.

Izvršni direktor

Mr. Mehmed Mehović, dipl. oec.,

Broj i datum ugovora, 93/18  
19-03-2018